

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCCXIX.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCCXIX.

FRIDERICUS IV. IMP. TRIBUT CAROLO I. MARCH.

BAD. PRIVILEGIUM, UT, QUI IN MARCHICIS
TERRIS HABITANT, DUBIIS NATALIBUS
ORTI, SOLIUS MARCHIONIS JURI
SUBSINT.


ANNO MCCCC LXVIII.

Ex Archivo Badensi.

Wir FRIDERICH von Gottes Gnaden, Römischer Kaiser, zu allen Zeiten Mehrer des Reichs, zu Hungarn, Dalmatien, Croatien &c. Kunig, Herzoge zu Osterreich, zu Steyr, zu Cärndten, vnd zu Crain, Herr auf der Windischen March vnd zu Portenaw, Grave zu Habspurg, zu Tirol, zu Pfrdt vnd zu Kyburg, Marggrave zu Burgaw vnd Landgrave im Elsaß, bekennen vnd tun kund öffentlich mit diesem brieffe allen denen, die ihn sehen oder hören lesen, daß Wir gütlich angesehen vnd betracht haben die getrewen annehmen vnd nützlich Dienste die vnß vnd dem Reichs der Hochgebohrn Karle, Marggrafe zu Baden vnd Grave zue Spanheimb, vnser lieber Schwager vnd Fürste vnd sein Vordern oft vnd dick wiliglichen vnd insonderheit derselb Marggrafe Karle in vnsern vnd des Reichs Geschüften vnd Nottürfften in den nächst vergangenen Kriegsläufften, alß vnser vnd des Reichs Hauptmann mit seinem merklichen darlegen unverdroßentlich gethan, noch täglichen tut vnd in künftigen Zeiten thun soll vnd

mag vnd haben darumb mit wolbedachtem Mute, gutem Rate vnd rechtem Wissen dem bemelten Marggrafe Karlen vnd seinen Erben diese besundere Gnad vnd Freyheit gethan vnd gegeben, daß all vnd jegliche Bastarten, genannt Königs - Kinder in der Marggrafschaft zu Baden vnd allen vnd jeglichen andern Enden vnd Gebieten desselben vnser Schwagers vnd seinen Erben wohnende zugehören vnd ihr sein vnd beleiben vnd hinführ zu ewigen Zeiten von niemand anderm vmb dheinerley Leibeigenschaft, Dienste oder ander Ansuchung angelangt, erfordert oder beschwehrt werden solten in einich Weise, Thun vnd geben Ihne auch die Gnad vnd Freiheit von Römischer Kaiserlicher Macht, Vollkommenheit, in Kraft diß Briefs, darumb empfehlen Wir allen vnd jeglichen Fürsten, Geistlichen vnd Weltlichen, Grauen, Freyen, Herren, Rittern, Knechten, Landrichtern, Hauptleuten, Lehenrichtern, Ambtleuten, Vögten, Pflegern, Verwesern, Schultheissen, Schöffren, Burgermeistern, Richtern, Räten, Burgere vnd Gemeinden vnd suft allen andern vnsern vnd des Reichs Vnderthanen vnd getrewen, in was ehren, Würden, Staates oder Wesens die seyn mit diesem briefe Ernstlichen vnd vestiglichen gebietende, daß ihr den obgenannten Marggrafen Karle vnd sein erben an dieser vnser Gnade vnd Freiheit nicht irren, noch verhindern in einich Weise, sunder der geruhiglichen gebrauchen vnd genießen lassen, als lieb einem jeglichen sey vnser vnd des Reichs schwere Vngnad vnd darzu ein Poen, nemblich zwentzig Mark lötligs Goldes ze vermeyden, die ein jeglicher, so oft er darwider thäte, halb in vnser vnd des Reichs Kammer vnd den andern halben teil dem obgenannten Marggrave Karlen vnd sein erben vnableflich zu bezalen verfallen seyn soll. Mit Vrkund diß Briefs besigelt mit vnser Kaiserlichen Majestät anhangendem Insigel, Geben zu Grätz am Sanct Marxtag des heiligen Evangelisten nach Christi Geburt vierzehenhundert

dert und im acht und sechzigsten vnserer Reiche des Römischen im Neun und zwanzigsten, des Kaiserthumbs im Siben Zehenden und des Hungarischen im Zehenden Jaren.



CCCCXX.

CAROLUS I. MARCHIO BADENSIS ORTENAUIÆ

NOBILES AB IMPERIO PENDENTES AD XV. ANNO-
RUM FOEDUS INEUNDUM IMPELLIT.

ANNO MCCCCLXXIV.

Ex Tabulario Badensi.

Wir KARLE von Gottes Gnaden, Marggraff zu Baden &c. und Graue zu Spanheim bekennen und tun kund offenlich mit diesem Brieff als die Ritter und Knechte von disen nachgenanten Geslech- ten: Nemlich Windeck, Bach, Rödere, Stauffenberg, Schauwen- burg, Nuwenstein, Pfauwen und Kroschwilr, zum merertheil uns und unfer Marggraffschafft Baden Mannschafft, Rats und Dienst gewandt und Ire fördern mit unfern fördern seliger Gedechtnis In Regiment und anderer Dienstbarkeit herkomen sind, darum Wir defter gröfseren Wil- len und neigung haben, sie auch an uns zu behalten, und zu fördern zu den Dingen, die den die noch lebend und Iren nachkomen Iren Slossen, Pfandschafften, Dörfern, Lüten und guten mögend fruchtbar

Cod. Dipl. P. II.

Ccc